

Bingzgvei Gih Aeu “Caet Aen Cienzmienh” Guh Hong Cauhguh Minzcuz Doxgiet Baenaj

平桂区聚焦“七个全面”推进民族团结进步创建工作

Gyawj geij bi neix, Bingzgvei Gih aeu gvancez dem'ak cienzmienh youz aendangj cienzmienh dazyinx hong minzcuz、cienzmienh hwnqguh aen dihi yenzgiu couqmaenh gij eiqsik caezcaemh Cunghvaz Minzcuz、cienzmienh cauxbaenz aen daihbuenz haenqrengz lwnhgangj son'gyauq couqmaenh gij eiqsik caezcaemh

Cunghvaz Minzcuz、cienzmienh doi-caenh hwnqguh ranzmbanj dox-caemh Cunghvaz Minzcuz、cienzmienh doidoengh vunzlai gak cuz doxcaez byaij coh sevei cuji yendaiva、cienzmienh coicaenh gak minzcuz dox-baedauq doxgyau doxyungz、cienzmienh daezswng gij suijsingz yendaiva dihi guenjeix caeuq naengzlig

guenjeix hongsaeh minzcuz daengj guh hong cauhaeb minzcuz doxgiet baenaj. Lumj lwnhgangj 600 lai ciengz (baez); douz le 2709 fanh maenz guh 37 aen hanghmoeg daezswng son'gyauq; guh'ok 《Laeuj-daizraez》daengj buek vwnzyi cozbij miz daegsaek Bingzgvei; daezsang naengzlig caeuq suijsingz baujchang

fugsah goenggunh; hwnqguh fapceih Bingzgvei daengj. Aen gih neix mboujduenh couqmaenh gij eiqsik caezcaemh Cunghvaz Minzcuz, guh-ok aen daihbuenz gak minzcuz caezhoz doxgiet buekguh doxcaez mwnhoengh hwnghat ndei, angqcoux Ngeihcib Daih Aendangj huzswnh ciuhai. (Moz Gyanghfung/莫江凤)

Sing Fwen Eu Seuqcingh, Angqcoux Ngeihcib Daih

山歌唱清廉，喜迎二十大

“Ndawboengz did va'ngaeux cinghseuq, guh hak ndangseuq gyaez vunzlai; gimngaenz caizbauj byawz mbouj maij, hoeng caenh damcaiz mbouj raenrongh.” Mboengqneix, Aen Cungsim Saedguh Vwnzmingz Seizdaih Moq、Yenveij Senhconzbu、Yen Fulen laeng Lozcwngz Mulaujcz Swciyen haeuj gihgvanh guh aen cawjdaez lwnhgangj “eu fwen cienz gyahfungh, angqcoux Ngeihcib Daih” hwnqguh ranz seuqcingh. Gyawj geij bi neix, Lozcwngz cujciz govuengz bien neiyungz seuqcingh baenz fwen, hawj vunzlai gak cuz ndaej hag vwnzva seuqcingh, guh vunz ndangseuq、guh saeh goengcingq.

(Veiz Yuzdai/韦如代 Cangh Gezcingh/张洁晶)

►Daihgya hag eu fwen seuqcingh.
Cangh Gezcingh ingj



▲ Mehmbwk Mbanjmyauz Canghgyahdangz langhbaij gij baengz nyumx ndei.

Lungzswng: Hag Nyumx Baengz Hawj Demsou

龙胜：学扎染促增收

Mboengqneix, Lungzswng Gak Cuz Swciyen Majdiz Yang hai ban sonlien dinfwngz nyumx baengz. Gyoengq mehmbwk Mbanjmyauz Canghgyahdangz hag gij lizsij、dinfwngz nyumx baengz caeuq baenzlawz sezgi dozanq daengj, caennadang daejniemh yienghndei vwnzva

feihiyz. Neix hawj gyoengq mehmbwk hag ndaej dinfwngz couhnieb cauhib, demsou baenzmiz, guh'ok aen “vunqsik Canghgyahdangz” bae guhhoengh lajmbanj, coenghrengz canjnieb lijyouz vwnzva hwnghat.

(Vuz Swnghbinh/吴生斌 Lanz Lizgveiz/兰立奎)

Cozbij “Sijfap Coh Deihfueng” Liujcwngz Geqgangj Goj Minzcuz Doxgiet

柳城“地名书法”作品讲述民族团结故事

Mboengqneix, Liujcwngz Yen langhbaij “bit couq lajmbanj doxgiet saenqhwngh” gij sijfap coh mbanj Gujcai Mulaujcz Yang. Ngeihcib lai boux guh hong vwnzyi raiz gij coh mbanj Gujcai, caiq baij okdaeu.

Yienhciengz, boux guh hong vwnzyi caeuq vunzlai doxcaez yawj cozbij, yawjyawj Gujcai dwg baenzlawz hwnghat, yinx engq lai vunz dawz dieg minzcuz caeuq gij bienvauq ranzmbanj haeuj sim. Baezlaeng, Liujcwngz Yenveij Dungjcanbu yaek guh gyangcoz, langhbaij vehveh、ingj siengq daengj, gangj ndei goj Liujcwngz couqmaenh gij eiqsik caezcaemh Cunghvaz Minzcuz, guh'ok fwnhvez ndei doidoengh minzcuz doxgiet、lajmbanj saenqhwngh.

(Dwng Gwzyi/邓克轶)



▲Boux guh hong vwnzyi geggangj goj coh mbanj.